

नाचे मन का मोरियो पीहू करे पुकार

नाचे मन का मोरियो पीहू करे पुकार,
रंग बसंती छा गयो ठंडी चले फुहार,
फागणियो प्यारो आयो हेलो म्हारे बाबो श्याम,
फागणियो प्यारो आयो हेलो म्हारे बाबो श्याम
म्हने प्रेम स्युं बुलावे बाबो श्याम

लांबी लाठी हाथ में श्याम धजा लहराय,
चंग मजीरा बाज रह्या सेवक रंग उड़ाय,
फागणियो प्यारो आयो हेलो म्हारे बाबो श्याम
म्हने प्रेम स्युं बुलावे बाबो श्याम

चुन चुन कलियाँ बाग से गजरो करो तैयार,
चंपा जूही मोगरा संग महके कचनार,
फागणियो प्यारो आयो हेलो म्हारे बाबो श्याम
म्हने प्रेम स्युं बुलावे बाबो श्याम

स्वर्ग सरीखो लाग रह्यो प्यारो खाटू धाम,
गली गली में गूँज रह्यो श्याम धणी को नाम,
फागणियो प्यारो आयो हेलो म्हारे बाबो श्याम
म्हने प्रेम स्युं बुलावे बाबो श्याम

बिनती थास्युं साँवरा शिवम करे है आज,
पाछो फेर बुला लीज्यो रखियो म्हारी लाज,
फागणियो प्यारो आयो हेलो म्हारे बाबो श्याम
म्हने प्रेम स्युं बुलावे बाबो श्याम

<https://bhajanganga.com/bhajan/lyrics/id/20981/title/nache-man-ka-moriyo-pehu-kare-pukar>

अपने Android मोबाइल पर [BhajanGanga](#) App डाउनलोड करें और भजनों का आनंद ले |